

## ”დი-ნა-მო“!

თბილისი. ვ.ი. ლენინის სახელობის ”დინამოს“ სტადიონი. 11 ნოემბერი.

”დინამო“ (თბილისი) – ”ყუბანი“ (კრასნოდარი) 2:0 (1:0).

”დინამო“: გაბელია, ხიზანიშვილი, კაკილაშვილი, ხინჩაგაშვილი, მუჯირი, დარასელია, სვანაძე, სულაქველიძე, გუცაევი (ცავა), ჩელებაძე (ჯოხაძე), შენგელია.

”ყუბანი“: ბალახინი, სემენიუკოვი, ჩებოტარიოვი, კომაროვი, ჩეგუნოვი, უურაფრაკი, ლავოიდა, კალეშინი, პლოშნიკი, კოლესოვი, ჰასანოვი.

მსაჯი: ა. შეფჩენკო (მოსკოვი).

მაყურებლები - 29.500.

მიმდინარეობდა მატჩის მე-2 წუთი, როცა შენგელია ხელსაყრელ მდგომარეობაში აღმოჩნდა ”ყუბანის“ საჯარიმო მოედანზე და ოდნავ ააცილა დარტყმა მიზანს. შეიქმნა ისეთი შთაბეჭდილება, რომ კრასნოდარელი ფეხბურთელები, რომელთათვისაც ამ მატჩს არ ჰქონდა პრინციპული მნიშვნელობა, არ იბრძოლებდნენ ძალების მაქსიმალური დაძაბვით და იოლად შეურიგდებოდნენ წაგებულთა ხვედრს. მაგრამ ეს ასე არ მოხდა. ”ყუბანმა“ გააკეთა ყველაფერი, რაც კი შეეძლო, შესწირა თამაშს მთელი ძალა და, რახან ეს ასეა, მით უფრო საპატიოა თბილისელ ფეხბურთელთა ეს ბოლო გამარჯვება, მით უფრო საპატიოა რამაშ შენგელიას მიერ ალაღად, ნამდვილ ბრძოლაში გატანილი ორივე ბურთი.

21-ე წუთზე დინამოელებმა მარჯვენა ფლანგის სიღრმიდან წამოიწყეს შეტევა, შემდეგ ცენტრში გადაიყვანეს ბურთი და იქ თავით ზუსტად ითამაშა შენგელიამ - 1:0.

სტუმრები ტაიმის დასასრულამდე ცდილობდნენ როგორმე გამოესწორებინათ მდგომარეობა, მართალია, ”დინამოს“ კართან მათ სახიფათო ბევრი არაფერი შეუქმნიათ, საკუთარ ნახევარზე კი შუპოვრად იცავდნენ თავს.

მეორე ნახევარში თამაში თითქმის მთლიანად ”ყუბანის“ ნახევარზე მიმდინარეობდა, სახიფათო მომენტებს თვლა არა ჰქონდა. 63-ე წუთზე სვანაძე წამითი ღიად დარჩა კარის წინ. მაგრამ საკუთრივ გოლის გატანას არჩია ასისტენტობა გაენია შენგელიასთვის, სწრაფად გადასცა მას ბურთი და ეს უკანასკნელიც ვალში არ დარჩა პარტიორს - 2:0.

დარჩენილ დროში დინამოელებს კიდევ არაერთი შესაძლებლობა ჰქონდათ მიეღწიათ წარმატებისთვის. მიეღწიათ დიდი ანგარიშით მოგებისთვის, მაგრამ მეკარე ბალახინმა და მცველებმა შეძლეს ”ყუბანის“ კარის უვნებლყოფა.

2:0 - ასე მოიგო თბილისის ”დინამომ“ დასკვნითი მატჩი კრასნოდარელებთან და განიმტკიცა საპატიო მესამე ადგილი.

**რ. ქორიძე.**

**”ლელო“, 12 ნოემბერი 1981 წ.**

**თბილისის ”დინამო“ - სსრ კავშირის ჩემპიონატის  
ბრინჯაოს მედლის მფლობელი!**

დასასრულს უახლოვდება 1981 წლის საფეხბურთო სეზონი, გუშინ კი ფინიში ჰქონდა სსრ კავშირის 44-ე ჩემპიონატს.

თბილისის დინამოელებმა დასკვნითი მატჩი მთელი მონდომებით, სრული შემართებით ჩაატარეს კრასნოდარის "ყუბანთან", მორიგი გამარჯვება ჩაინერეს თავიანთ აქტივში და ბრინჯაოს მედლები მოიხვეჭეს.

ეს დიდი წარმატებაა! ფეხბურთის მოყვარულებმა, საქართველოს მთელმა სპორტულმა საზოგადოებრიობამ, ფართო სპორტულმა წრეებმა კარგად იციან თუ რა ბრწყინვალე გამარჯვებებს მიაღწიეს წლეულს თბილისის დინამოელებმა, მათს ჩამოთვლას არ შეუდგებით. 1981 წელი ოქროს ასოებით ჩაინერება ჩვენი სახელოვანი გუნდის მდიდარ ისტორიაში. არასდროს, არც ერთ პერიოდში ჩვენს ფეხბურთელებს არ ჰქონიათ ასეთი წარმატებები, ამიტომ თითოეული ჩვენგანის გული აღვსილია სიხარულით, ჩვენს სახელოვან სპორტსმენებს ვულოცავთ ამ შესანიშნავად განვლილ სეზონს, მთელს კოლექტივს ვუსურვებთ ახალ გამარჯვებებს, ახალ წარმატებებს.

**"ლელო", 12 ნოემბერი 1981 წ.**